摘藻堂四庫全

書薈

要 经 部

欽定四庫全書曾要報的傳家易說卷五

詳校官祭酒臣幸誠恒

欽 定四庫全書管要卷二百七十六經部 之害君子也以喜怒之私心往往陰為之謀以 剛 氏傳家易說卷五 害君子之去小人也以天下之公義是以暴揚 于王庭字號有厲告自己不利即戎利有攸往 決柔謂之共剛柔者君子小人之象也小 經). 1. To 1 鼎姤 震革 郭氏傅家易說 艮升 漸 困 宋 郭雍 撰 行

金 突四月 る言 于王庭字號其有自取危厲之道而決之也以一 夫威天下者不以兵革之 時之義也此舜所以必先去四凶然後天下可 後 而 馬豈假威力 自邑國告之及于 乘 也 者 五 告自邑者 乾 剛自危之道也不 道 將 パス 復 始自 卷五 雖 強 心乎是以一 四方以見 王 君 庭 子 利 字號其有厲而決之 能退聽以違之是其 不得自己往而決之 況 盡天下之公義 不 君子決小人有 利 即我也利

五剛也字號有属其危乃光也告自己不利即我所尚 **彖曰夬決也剛決柔也健而說決而和揚于王庭柔乗** 乃窮也利有攸往剛長乃終也 **象明剛決柔謂之夫非剛決柔不名夫也然有乾之** 不得不正其罪是所以必揚于王庭也其危乃光 故能決有免之說故能和小人既決合天下之公 故天下說而和所謂四罪而天下咸服也柔乗五

得而治矣

Ł

And to make the date |

郭氏傳家易说

象曰澤上于天夫君子以施禄及下居德則忌 者明信宣布其所以自取危亡之道則君子之公義 長非君子之終也剛長乃然必決之義也 造足以致小人之辭是自窮之道也剛長乃終者五 乃明矣所尚乃窮者以威力為尚而不知有道存馬 說萬物者莫說乎澤今澤上于天有必下之勢在萬 終道也小人不去則君子之道不長君子之道不 既盛必復于乾而後已柔不去則剛不長剛不長

以說下為主无法禁之義蓋夬之取名本于五剛二 日修已以安百姓故人君未有不正心誠意修身而 之義也惟躬已厚故可以澤物而天下說之矣孔子 不喻法禁之中躬己之厚也子夏所謂大徳不踰閉 澤物也居德則忌者君子之所以處已也所處在德 治天下國家者也或謂忌者禁民為非也夫之象 郭氏傳家易說

貴自有而與天下共之也施禄及下者君子之所以

物有必說之理君子法之所以施禄及下是不以富

初九壯于前趾 也 柔卦彖論全卦六畫之象故以剛決為主而象則分 定匹居在這 輔 徳 剛 與乾之二泉論之故以說下為主是以其義不同 故 過中已為大壯況夫之五剛乎故大壯初九日 趾 也 亦通不踰法禁之意謂之居德則知在我自居 嗣又以則忌為明忌失之矣忌猶自有忌憚 而夬曰壯于前趾則又欲速進其壯矣然 往不勝為谷象曰不勝而往咎也 卷五

鉝

九二陽號莫夜有我勿恤象曰有我勿恤得中道也 九失之 剛中自治而已非如初九之過于用剛者也大壯以 无過馬是以有兢慎戒不虞之義惕知懼也號明戒 往其各宜也此復所以有朋來无咎之義而夬之初 居剛長之初力未能決有必不勝之理必不勝 有備无惠故雖其夜有我非所憂也得中道者以 九過于用剛而不知不勝之咎九二處中居陰則 In data | | 郭氏傅家易說 哟

象曰君子夬夬終无咎也 九三壯于煩有凶君子夬及獨行遇雨若濡有愠无咎 盆 初九九三用壯而二則貞吉皆與夫同陽號鄭氏音 厅匹厚 小人二義故大壯曰小人用 小人用剛之事非大者之壯也二卦九三皆具君 于煩有凶君子夬夬是也以小人用壯言之則 與 今之號而作呼號者非其義也 大肚內卦三爻相類故初九九三皆言壯壯 全 中 卷五 壯 君子用罔而 此 則 子 曰

蓋言小人之有咎不若君子終无咎也九三雖用壯 陸之易小人獨行用壯雖遇雨之和猶濡而有愠況 央央之義則然无咎矣故東言然无咎非釋文辭也 可決之時則決之君子之道也是以九五之決有竟 壯于煩者小人事也頑面觀也上體也三往用壯干 上而不知有時馬是以山也君子之剛則異乎此當 而上六為應故遇雨之象夬夬者上之夬夬時也下 和乎故其為過實自取之无於歸咎也唯君子明

Li dula i

郭氏傅家易説

方 者九三之位有上下之義然小人之歸者多矣故聖 子央央之後言獨行遇雨其義同也皆言君子小人 之夫夫決也得夫之時而後夫決也大肚于君子用 非大失其意則不明釋之皆疑故也時以下原本 問之下復言小人事故曰羝羊觸藩贏其角此于**君** 有愠之下伊川以獨行遇雨在君子夫夫之上皆以 人皆重明小人之戒也胡安定以君子夬夬居若濡 下有无咎二字難釋然義亦可通不必疑也至諸家

盆

次且位不當也聞言不信聰不明也 四之象牵如牵復之牵勉強之意也然有見善不明 次且能自勉以從陽亦可亡其悔矣羊狠而无知九 四賢无膚其行次且牽羊悔亡聞言不信象曰其行 不得其安矣故臀无膚初无果敢有為之志故其行 因循前安之心且當三陽並進之時已獨居其上則 剛之中九四獨非中正之位故為不明之象蓋有

易粹言校補家

九五莧陸夫夫中行无咎象曰中行无咎中未光也 **莧陸之易无所用力馬故曰莧陸夬夬也初之為咎** 善言則信九四不足以與此 剛之力有決之過无不及馬是以用中行之道則无 剛長至于五所謂可決之時矣君子于是決之如決 其位不當則進退不一是以次且君子聴思聰故聞 聞言而不信者其悔亦未能亡也陽喜進而陰喜退 三之有凶皆非知時者也九五得其時得其位用衆

飲定四庫全書

上六无號終有凶象曰无號之凶終不可長也 于莧陸二物者如言推枯拉朽之易也 亦未光也未光有終光之義能充其道則光矣取象 道豈決小人而已哉決小人臣下之事也雖得中道 谷過則咎也然九五尊位大中居光宅天下之任其 **凶也雍曰上六之凶適當五剛進決之時不可茍免 豈盡 誅之乎使之變革乃小人之道亡也道亡乃其** 伊川曰夹者小人之道消亡之時也決去小人之道 郭氏傅家易説

姤 乾巽 鉝 **咷字最為當理** 號呼或皆為號令字獨伊川以二為號令上六為號 故言无號終有凶也不可長者又言終凶之速也然 女壯勿用取女 央之一陰將消之陰也始之一陰方長之陰也其陰 定匹庫全書 同所以為陰則異故夫始卦象反對其義正相反 有哀號之意卦有三號字王氏以一為號令二為 老五

2 獨以一柔遇之用壯之甚也是以不可取也觀一陽 曰妨遇也柔遇剛也勿用取女不可與長也天地相 陰為小人 象也自以一陰方長而陽道向消无畏五剛之志欲 夬以五剛為義始以一柔為義也陰之方長女壯之 復 者 其壯也陽至四五而後言壯始一陰方長即 亦見君子小人之情不同也是以陽為君子而 猶曰朋來无咎而如以一陰 之遇不待得朋是). Lin . 郭氏傅家易說

遇 之道哉故貞女不從二夫忠臣不事二君是以始之 則萬物不生教化不成故地之遇天臣之遇君主于 以柔遇剛謂之始遇之為事天地萬物不能无也无 品物咸章也剛遇中正天下大行也始之時義大矣 懼學者止以女子之道而言始故極天地明教化而 則可而以一遇五則不可也遇不主于一豈長 壯勿用取也卦解止于女壯勿用取女而已聖 卷五

灾

象曰天下有風姤后以施命誥四方 始之時義其大如此衆解前言始之象後明始之徳 為地也剛中之臣非得中正之君則教化不能威行 言其義之大也天地不相遇則萬物不章剛為天柔 善用易之道者矣非聖人明之則妨道廢矣伊川曰 始之道最 為難用聖人用于施命語四方之際所謂 天下風行无物不遇后王法之可以施命語四方夫 得中正謂五也 下天專家易说

初六擊于金根貞吉有攸往見山贏豕字蹢躅泉曰擊 新定匹庫全書 · 君道者皆同之君子大人通上下有徳之稱大人則 天地之道施命語四方是也君子則上下之通稱大 法閉關育物享帝皆是也稱后者后王所為也財成 象稱先王者先王所以立法制若建國作樂省方勃 下惠是也 又德之大者耳故雖匹夫亦可為君子大人顏淵柳 人則王公之通稱雍竊謂先王王者之事后則凡有

陰之始生雖有方長之漸而柔弱未可有行故利在 也柔道不能獨立初六之繁蓋為柔道所牵耳夫遇 謂非徒无益而又害之者是以必繫于金根不動可 固自制以待時譬如贏承躁動信能蹢躅而已安能 有為有行哉動而不能有為有行徒有見凶之患所 也能以固止為貞則吉有攸往則見凶也尚不能堅 堅固自制繫而不動以待其時斯可矣捉止車之物

祁夫專家易说

于金根柔道產也

九二包有魚无咎不利賓象曰包有魚義不及質也 有待也 時遇為先也是以言包有魚无咎也實者外來之陰 道故无咎初當應四疑九二之包有為非蓋始遇之 初六以陰居下魚之象也九二包而有之得相遇之

不利實之來也不利其來者以義不能包及二陰故

也初六之陰二能包之二陰之來不能包也故九二

金灰四库全書

有必動之理而初居不可動之勢以見遇之初猶將

牵也 九三臀无膚其行次且属无大咎象曰其行次且行未 危矣且初六得遇之位以柔道不能獨立苟不能自 來則九二退而成逐時運已化始遇之道息矣 矣當止不止是以至于臀无膚其行次且也至是則 先遇故言不利實也惟其不能包有二陰故質之繼 九三不能安其位者也當遇之時无遇之位可以止 郭气傳家易說

也且初六柔道方長必有繼來之陰三四尚遠二當

九四包无魚起山象曰无魚之凶遠民也 危宜矣二之遇四之應 為有其事也无事而行九三 四與初應為有魚也當站遇之時初六見九二而先 行馬是以至此然无大各者三居二四之間雖行 也无膚次且之属本非九三所有蓋未當牽勉而妄 越二剛終无妄遇之事故亦无大咎夫之九四辭 以有待亦有贏豕蹢躅之患況九三非遇之位其 者夫始三四反對之交也與損益二五同 卷五

新定匹庫全書 |

九五以祀包瓜含章有陨自天象曰九五含章中正也 蓋言凶之起自无魚始矣魚民象也為君而不得其 遇馬是九四失其正應故言无魚也夫得道者多助 遠耳他卦正應有問多為終吉獨始之時以遇為急 民能无山乎四之與初非遠也而曰遠民者視二為 失道者寡助寡助之至親戚畔之此无魚所以起山 陨自天志不舍命也 郭氏傳家易說 ナ

茅之微故言以祀包瓜也祀大木也人君之象也瓜 託其本而有生馬是其為包也大矣含章九五之德 也有隕自天志惟天命之遇也志不舍命循天之理 九五尊位中正為道甚大其為遇也宜異夫在下包 有含章之美故見于外者如此 災是其所以為含章之美也含章非含而不發也內 也以祀包瓜則盡養民之道有隕自天則无妄遇之 縣相繼之實也民象也高其木大其陰縣縣之屬

新定匹庫全書 T

卷五

萃亨王假有廟利見大人亨利貞用大姓吉利有攸往 上九姊其角各无咎象曰始其角上窮吝也 萃聚之世既庶既富之時也故萃有亨之道孔子曰 以各也无咎者始以妄遇則有凶上九既不遇于君 又進則无所遇非能得无咎之道幸而居无咎之位 居始之終不知道之變道既上窮猶欲遇馬是其所 與九三无大咎同義 郭氏博家易説 圭 30/

金定四庫全書 亨王假有廟統言之也自利見大人下詳言其事也 亨也大人為道之大足以容民畜衆者也所以利見 之者不得其道則亂由以生故非見大人則萃不能 孝享之意同利見大人亨者天下萬物萃聚之時主 設教亦必以盥而不薦為首與萃之時王假有廟致 而設教之道莫先于孝享以為天下先故觀之神道 既富矣又何加馬曰教之聖人設教必于富庶之後 大人者利貞故也正故能亨不正則不亨矣始言萃

象曰萃聚也順以説剛中而應故聚也王假有廟致孝 其道不順其情不說則无萃聚之理剛中而應九五 亨之道而後言見大人則亨也 是觀之萃非大人適足以致亂也故卦辭先言萃有 而致孝享因萃之威足以有為是以利有攸往矣由 也觀其所聚而天地萬物之情可見矣 也利見大人亨聚以正也用大姓吉利有攸往順天 下气專家易免 3

見大人則正正則得主萃之道故天下可以用大姓

禮在所先也萃之致孝享亦以身化天下也聚以正 為主茍无其應又不能為之主也是以順以說為物 者見大人則聚以正道非大人則聚以不正之道故 聚之理剛中而應為能聚之道致孝享者嘉會之時 也萃之主也非剛則不能為衆聚之主非中則不可 定匹库全書 1 天命也然天地萬物之情所以聚者不過順說而已 大人所以為時利見也用大姓吉利有攸往者因時 可有為也時則所謂天命也當可為而為所以順

鉗

初六有字不然乃亂乃萃若號一握為笑勿恤往无咎 象曰澤上于地萃君子以除我器戒不虞 萃之時君子豫為之防除戎器而戒不虞也除謂 者必怨聚極者必散乖争陵犯莫不由此以生所以 澤聚于地萃之象也然天下之理順極者必逆説 地萬物之情既不過順說是以象言可見也 其道不順則无由以聚其情不說亦不能聚矣故 惡而新之

ろくもうえりも

衆曰乃亂乃萃其志亂也 欽 定四庫全書 與四為正應誠信之應也而初六拾應從類不終

之暫何可長也故必勿恤其類往從正應以終有乎 其道乃感亂相聚非聚以正之道也雖 有一握為笑

萃之時見其類則必聚今二陰在上故知其捨應從 則无咎矣何以知初六之不終蓋除柔不能有立當

類也其志亂者其志感于其類而失應故云亂也

六二引吉无咎孚乃利用倫象曰引吉无咎中未變

欠已日年入書 得中故未變也二以用擒故知得萃之道初之乃亂 不至則不可以倫故以字先之中未變者柔道好從 富是以可薦誠而用禴也禴祭簡薄以誠為主尚誠 得吉吉乃无各則得聚之道矣得聚之道則既庶既 乃萃知其失矣 而易變如初六改應從類是也二之所以引言蓋以 九五引而後應以見柔之不能盡萃聚之道也應而 郭氏傳家易說 十六

雖陰柔而有中正之德猶牵于犀類不能自達必

也 六三萃如嗟如无攸利往无咎小吝象曰往无咎上異 四大吉无咎象曰大吉无咎位不當也 无咎然求之非其道能无春乎上異者以上六有柔 異之德故有可往而從之之理也 三以其類在下常失所聚故有嗟如之歎无應无類 利乎然與其上无應而下失初二不若往從 非正應而萃之時或復以同類而可聚也是以

言不當也以萃聚而得吉之大固其所宜而又曰 得上下之聚有大君之象而位非君位不充其德 觀之萃之六交獨有二陽下皆有應四又上比于君 為未能盡善故云必得大吉然後无咎也且以卦交 得其所聚莫吉于斯故言大吉无咎也位不當者四 反其意未以為美故伊川亦以東言位不當疑其所 者以臣而 有君聚之象其位不當疑于有咎故 郭氏傅家易說

九四之言大吉无咎道之至美者也而注釋之家

九五萃有位无咎匪孚元永貞悔亡象曰萃有位志未 萃之成卦在九四故為萃之主與豫之九四同 者未能大信于天下也不能信于天下則将有悔矣 事主天下之萃則其事也能充其道故為大人不能 充其道則僅有其位无過亦幸矣湯之克寬克仁彰 居萃之時得位之當者九五而已然有其位斯有其 庭四屋在三三 兆民豈有位无咎而已哉故九五為匪字也匪字

the state of the s 此交解弗與之義也必曰萃有位又見徒有其位而 萃聚之權獨在九四凡以九五未能字于天下故也 象弗與何哉蓋九四下此屋陰非其位而有其道矣 己所以甚言无其道也然九四大吉无咎而象曰位 而已此象所以言志未光也九五宜能充其道而文 矣湯文是也得位而匪孚未能信于天下故特悔亡 貞正也得位而孚充是三者之道則大君之能事畢 郭氏傅家易説

惟元永貞可以无悔元者盡君長之道也永可久也

上六齎咨涕凍无咎象曰齎咨涕凍未安上也 洟之象然能·齎洛涕洟不敢自安于上猶為知懼之 獨乗之當萃之時失其所聚者上六也故有齊各涕 衆陰可與之聚則遠而在下二陽可從之而聚而已 聚之道而无君位可行九五雖有君位而其志未升 故雖失其所聚亦无咎矣

盆

灾

四月白山

不當九五萃有位而象曰志未光者以見九四得萃

升元亨用見大人勿恤南征 坤上下 地萬物皆有升在 也 升位 則足以行道升德則足以進道是以元亨 人則位之升謂之升徳之升亦 吉

而見大人則日入于君子之塗故用見大人可以无 理 在馬升位而見大人故无附麗小人之失升德

Ł ع 9 類 Þ 有慶也南為明方陽之位也君之所也君子之 ķ 一南征无不吉也惟見大人故可勿恤則害己 45 郭氏傅家易説

勿恤有慶也南征吉志行也 **彖曰柔以時升異而順剛中而應是以大亨用見大人** 者去而无憂矣故可至南征南征斯无不吉蓋升之 柔道不升則沈潛无以自達其德與位日入于卑汙 有序如此 升以坤巽成卦二陰相附其體難升故必須時而後 升馬巽有入之道坤有順之義二五剛中而應故 溺之域故書謂沈潛剛克者亦柔以時升之義也 を五

泉曰地中生 次定四車全書 ~~ 逆于徳積則為之有漸故能升而不已以極高大不 抱人莫見其升之之迹者以順積而致之耳順則不 萬物之升其象則皆如地中生木也自毫末以至合 故為有慶之漸慶者澤加于民天下之慶也然則南 无憂在己无憂則害己者去矣位日可進徳日可成 可升而大亨也用見大人勿恤者見大人則在己 則志无不行明矣 升君子以順徳積小以高大 郭氏傳家易說 =

九二字乃利用論无咎象曰九二之字有喜也 初六允升大吉泉曰允升大吉上合志也 沈滞難升之害馬 之志與之同體而升所謂用見大人勿恤者也故无 然則逆德暴行未能升而困及之矣 合志者二三之陽其升為易初六能上合九二九三 不移終自拔于沈滯之中故言允升而致大吉也上 初六居衆文之下沈滞而難升者能自信之為確然

九三升虚邑象曰升虚邑无阶疑也 喜不亦宜乎必曰利用衛者事天地鬼神與事君 ALI DI PLA LA LA LA 九二是也九二能以誠信之道孚于上下其進而有 書曰沈潛剛克故升之道亦以剛中而應而後大亨 以自致乎是以如升无人之虚邑其行无所疑矣 自下而升至于三其来不可禦也況有剛陽之才足 无嫌于簡薄況人道乎是以无咎 也論祭簡簿惟以誠為主尚有誠信雖天地思神 郭氏博家易説 主

六四年用亨于岐山吉无咎象曰王用亨于岐山順事 孟子言太王邑于岐山之下居馬又曰昔者文王之 觀其狄人侵則事之欲土地則去之又曰不以其所 以養人者害人此太王之順也故が人從之如歸市 道皆亨是以吉且无咎然所以亨者无他順事而已 而肇基王迹所謂亨吉而无咎矣文王三分天下有 岐也則岐山為太王文王之所治也太王文王其

六五貞吉升階象曰貞吉升階大得志也 文·已日三人日 · 事不亦宜乎升之道以順積為主獨六四得之 必有剛德而後可升馬故六五之升獨无所事以貞 之光于四方顯于西土所謂亨吉而无咎矣謂之順 其二以服事殷文王之順也故二老來歸而天下歸 自守不失其吉如歷階而升有進无退況九二以剛 升之道在上為易在下為難在上以順而可升在下 而應之其大得志宜矣 郭氏傅家易説 ᆍ

上六冥升利于不息之貞象曰冥升在上消不富也 易于坤體多言不富者陰道常之也泰之六四議之 為消之漸而在消息之理息則富而消則不富故也 進于道其為利貞孰大于是消不富者冥升不已則 極于升而因矣因則消至馬是以不富蓋真升不已 貞者冥升于禄位則失知止之戒苟能自強不息以 升之易故上六有冥升不知止之解馬利于不息之 在下升之難故初六必合陽剛之志而後可升在上

党 上下 **困亨貞大人吉无咎有言不信** 六五皆是也 失其亨也大人之貞寬裕有容如天地然何物足以 處之時惟君子及諸其身以修德不繁于因否故不 天下之時不同而所以處之之道不能一也因為難 之是以吉而无咎以見小人匪正不能處因而山 必至也處因尚徳而不尚言雖君子之言人亦未 郭氏傅家易說 テ

貞大人吉以剛中也有言不信尚口乃窮也 **彖曰因剛揜也險以說因而不失其所亨其唯君子乎** 困之所以成卦以剛為于陰不能自伸故為困也險 之信況聚人乎 陷而能說不失其所亨之道人之難能也故惟君子 窮者君子有德則以德濟身尚德也小人无德則以 則曰大人大人以貞而吉者有剛中之徳也尚口乃 能之君子亦大人也言其成德曰君子語其德之大

金灾

匹库全書

卷五

象曰澤无水困君子以致命遂志 物則曰水也澤必資水而利萬物澤无水則因而无 利口辯解濟其身故云尚口也尚德則不失其所亨 窮處矣君子知命者也當其因也豈復怨天尤人哉 以資物矣君子得位而後能澤加于民无位則因而 澤水一物也語其為功利之名曰澤論其為功利之 子小人惟困乃見故擊辭曰困德之辨也 尚口則終窮矣孔子曰君子固窮小人躬斯濫矣君 郭氏專家易說 二十四

金 初六曆困于林木入于幽谷三歲不觀象曰入于幽谷 定匹庫全書 之不遇魯侯天也則孔孟之困皆致之天命而无怨 道也通亦是道也故孔子曰用之則行舍之則藏遂 之将廢也與命也而孟子則曰行止非人所能也吾 也遂志是以不失其所亨也 志也孟子曰窮則獨善其身達則無善天下亦遂志 也遂志者君子所志者道道不以困窮而變窮亦是 歸之天命而已故孔子曰道之将行也與命也道 卷五

绝不明也 臀国内自困也困于株木外困于物也處困之初內 因益甚矣是以入于幽谷三歲不觀也幽谷不明之 所愈不能自安至于三歲之久无所見馬又不若因 ,株木之有物也既困于株木而處之非其道故 庇初故如林木不能庇物也然則處困之道何 能自安外不能有行內外皆因而欲以柔濟之則 幽谷三歲 不觀之象雖九四為應方且自困 郭氏專家易说 幸五 有

于酒食中有慶也 九二因于酒食朱紋方來利用享祀征凶无咎象曰因 新定匹庫全書 | 亨者特君臣未遇天禄未食君子因于家食之際无 飲食宴樂之奉而已其道不可得而困也未級王者 止三之揜二也然九二剛中之大人因而不失其所 **彖曰困剛揜也謂九二之剛揜于二陰所以為困非** 為臀為趾為拇為尾皆一象也 惟修德以致命遂志而已凡卦之初居下體之下故

道而欲妄進以求用則先自失其所亨山之道也中 通者思神之徳而九二剛中之徳至誠感物故无或 用享祀是其至誠之道无所感而不通也苟不知是 不通以之待君之求則朱統方來以之交思神則利 所患矣利用享祀者天下之至難致者君之求至難 食以見君臣相遇交際之道不得乎此雖如伊尹樂 有慶者大人以道自任豈以口腹酒食為困哉蓋酒 郭氏傅家易説 ニナハ

之象九五之君方将以同德而来求則因于酒食非

六三困于石據于族黎入于其官不見其妻凶象曰據 于蒺藜乗剛也入于其宫不見其妻不祥也 不可犯而犯之是以遇因也六三之柔不能以柔道 · 竞舜之道不過老死華野而已然无享天心華夏正 于九五言需于酒食而詩人于鹿鳴言燕樂蓋一義 之事也是知酒食之間有天下之大慶存馬故需卦 石之為物堅不可犯知不可犯而不犯則无因馬知

子則他人可知矣 身危死期将至而後不祥之效終馬至于不能保妻 進則非所因而因以退則非所據而據上下失自安! 據于蒺藜也官者自安之所也妻者所安之主也以 自安反欲用剛上干二陽困于石也下垂九二之剛 不善之明應也故知處因而不自安終必至于名辱 也者其不能自安則不善之幾也至于不見其妻則 之道雖有官有妻将皆失之矣是以凶也象曰不祥 郭氏傳家易說 ニナセ

九四來徐徐因于金車各有終象曰來徐徐志在下也 六既從二而于九四之應則徐徐其來也當困之時 有堅剛之象車有積中之德謂九二也來徐徐者初 足以有濟而初六近而可從也故有金車之象馬金 甚矣而九四正應不能以濟者以九二剛中在下力 當困之時以陰求陽者无他馬求濟而已初六之因 定匹度 在 書 九二得濟難之權四不當位非其敵也故不能濟 不當位有與也 卷五

之急而致徐徐其來也不能濟初之急是因于九 五劓刖困于赤紋乃徐 得也乃徐有説以中直也利用祭祀受福也 岩 道 不當齊困之事以初六正應而有當與之道也 也因于九二而未能應初各也雖各而有終者 終復而應也故初六言三歲以見雖久而有期 雖徐徐其來而四則未有忘初之志也有與者 終凶者也與九四有終之義相符象曰志在 郭氏傳家易説 有說利用祭祀象日劓刑志 **〒**

困之象上下皆換于陰在常人處之受其因而已在 定匹月全書 1 上下皆刑之也刑小人而去之所以進君子故九五 見九五之求之也九二中直之臣至而後有說故曰 有為之君必思所以去之是亦有用刑之泉劓則者 九五患赤紋之不進而九二有朱紋方來之解以 因之有且君子難進易退不求而致之不可得也 進故刑及小人也君子進則善者勸而不仁者遠 別以因于赤級故也赤級君子之服也病君子之 卷五

道用于享祀則利用享祀矣以九五下賢之道用于 用于人用于神皆可也如是則天下其有不治者哉 祭祀則利用祭祀矣此亦見其君臣同于至誠之徒 自進九五以議而下求之故皆曰級也君臣相與至 謙下之道也朱級君也赤級臣也九二以議 而不敢 乃徐有說处曰做者級蔽膝也與黄裳之義同取其 志未得者非樂于用刑也君子未進人君志未得之 而已其道雖思神可交況人乎故以九二事君之 郭氏傳家易說 千九

臨未當也動悔有悔吉行也 上六因于葛藟于貌碗曰動悔有悔征古象曰困于葛 歃 能逐者故曰困于葛繭于臲碗也曰動悔有悔者畏 福人神雖不同其交感之道則一而已 同蓋是道也用于君子則必得賢用于思神則必受 初不得已而用之也受福者與孔子祭則受福之義 定匹庫全書 上六以柔居困之極不能脱困有葛藟纏糾之東復 安而居之又甚危不可安也是處因之不能退不 卷五

聖人明處因失時之戒 之士也未當者處困之道未當也吉行者謂悔雖生 乎 動而困之上六吉在于行時有不得同也此爻蓋 有悔至不知當困之極征而脱因則吉是未可與權 改邑不改并无喪无得往來并并汔至亦未編并贏

懦之過徒知悔各生乎動不敢動乎悔中如是則必!

德與用言之改邑不改并无喪无得往來并并皆并 則未用在上則出而有功乃能盡并之義故卦解合 井之為物水在下也今坎水居上而為井者水在下 也故中庸之言皆然于用盡并之義則中庸之道得 能盡人之性又曰誠者非自成己而已也所以成物 之謂性率性之謂道修道之謂教又曰能盡其性則 其凶者以見雖有徳而不及用非井也中庸口天命 之德也汽至亦未編井贏其叛凶言井之用也井言

飲定四庫全書 |

改邑不改并者邑有變而并无變故也取之不能竭 較之象而井田又取井字之象故卦名非井田之義 功為戒也能終其功則吉可知亦猶中庸言人皆曰 矣然卦辭不言其功獨言其凶者蓋深以不克終其 无窮而其徳未當改也幾至未盡綆而羸其擬與无 知擇乎中庸而不能期月守之謂也井字本取井 謂方來而應之者也往者以此來者以此雖應物 取不能盈故无喪无得往者謂已應而往者也來

彖曰巽乎水而上水井井養而不窮也改邑不改井乃 以剛中也完至亦未編井未有功也贏其瓶是以凶也 飲定四庫全書 子曰掘井九仞而不及泉猶為棄井也此論適與井 井徳者何以異是以山也能克終其用則无山矣孟 已非井之義也由是言之則井之道其猶人之性乎 之義同是以聖人貴夫有用而中庸之徳為至馬 入水性而能上水是之謂井蓋井以静為德以動 動而出故能致養于无窮不能動出特止水而 卷五花家多影

象曰木上有水井君子以勞民勸相 者何蓋皆繁乎剛中之德聖人舉一以明之耳 未成而贏其施非凶而何不言无喪无得往來并并 并剛中之德也汽至亦未編并未有致養之功功用 終并自其德以及于有用而其道亦終馬改邑不改 人性本静及其盡之也又足以盡人盡物而至于然 地賛化育井之徳亦本静及其出而應物則致養 不窮故中庸自天命之性至修道之教而後其道 郭氏博家易説 圭

禽時舍也 初六井泥不食舊井元禽象曰井泥不食下也舊井元 至牙四馬五言 飢渴之害甚矣人能无飢渴之害者并養之功也民 民動相可以配井之功用則井之功用博矣 之而已因其性以利導之而已皆所以致養也故勞 民動相之道也勞民勸相之道无他馬盡其性以安 之勞苦亦甚矣使民忘其勞而服田力穑者君子勞 井泥在下之物也井以潔而食泥則污穢不食矣舊

九二并谷射鮒甕散漏象曰并谷射鮒无與也 異之性順而入不能自舉以趨有用之地故九二亦 并无禽污穢也禽尚不至況人乎初六知守下而 失井之道而莫見其功也井以上出為功不能動 知動出之功故為時舍也亦猶人之性不能自修偽 上反如谷水旁流足以射 惡日生則性失矣安能有及物之功乎 矣語其用則雞且敝漏雖有動出之名而无上 郭氏傅家易説 鮒不足以養人其徳既 득

疰 時 灾 三井洪不食為我心惧可用及王明並受其福象曰 之者為我心惧也心惧傷之也傷其可用沒而不 治之而不食則不見知者衆也不見知者衆故有知 知井 也猶之修德之士不見用者王不知之也王不知之 洪不食行惧也求王明受福 之實是以為聚所不與也散漏近于贏瓶无與近于 匹库全言 舍若是者安知有用之大乎許氏云甕汲凝也 以上出為用而能自治以待用者九三是也漂 也

六四井凳无咎象曰井凳无咎修井也 口求王明也 者所以求王明也欲見文言王明為九三之未遇故 易退蓋求明王而事之也故古之人有非其君不事 矣象言并洪不食行惧也者蓋言洪治而不見用其 行可傷側也文言王明而象言求王明者君子難進 九三有其才而未得其時故有求王明之解六四近 郭氏專家易兑 =+9

王之不明也王明則達而無善天下而天下受其福

九五井洌寒泉食象曰寒泉之食中正也 金定匹庫全書 各矣未為失也易之言无咎于有疑之交多言之其 各矣六四之才疑于有咎故明言无咎以别之聖人 不言者或明見其无咎或明知其有咎如井之初六 而已故有并養之象馬雖不能濟物尚能自修則无 中正之君非无其時矣而其才不能濟物足以自修 九二雖未至凶皆有咎之文也九三雖未吉知其元 之意或見于有言或見于无言是以人難得之也 卷五

而言也人事學也天理命也兩得之斯為至矣繁辭 之修潔主人事而言也寒言泉有自然之性主天理 而已寒泉之食亦猶是也然言洌又言寒者河言并 郭氏傳家易说

不正則失之其能自修使不失其性者无他馬中正

不失其性則德全矣天下之性初未失也皆以不中

失其性又修潔之食之美者莫善于斯猶人能自修

言井洌寒泉食也洌潔也寒者水之性也寒泉既不

九五剛德中正才德與位無得之并道莫善于斯故

上六井收勿幕有孚元吉象曰元吉在上大成也 新定匹库全書 |**■** 施濟衆之德故云勿幕戒其勿幕所以終井道也其 成而元吉也收者功之成也勿以功成而遂各其博 所以與性通也 論九卦皆言徳徳未有不能修性而得者此井之道 功既成其施愈博关下信之是以元吉象言元吉在 井无他道特以上出為功用耳故至上六為功用大 上者非上六之元吉也并道至上而大成盡元吉之

完 道也

華已日乃字元亨利貞悔亡 甚哉革道之難也天下之事不和則革和則无革是

革之繁乎時者也聖人以道論之乖于道則軍不乖 于道則不革是華又繁乎聖人也然方革之初固不

革之時盡其在我所以革之之道雖泉所未乎革已 能使天下之盡信俟其盡信則失時矣故聖人觀當 下七事記易見

一彖曰革水火相息二女同居其志不相得曰革己日乃 是不可革也不可革而革則革之不當己日不多必 亨利貞天徳也无欲也革之而不失天徳是可革也 字以明革道之難也革道如之何元亨利貞是也元 則其字必矣蓋得革之道故也故卦解首言己日乃 有大咎不止于其悔不亡而已悔亡者凡欲革者皆 故革之而當己日可孚其悔亦亡矣革之而失天德 悔是以革之當則能亡其悔也

金

定匹庫全書

美哉 地革而四時成湯武革命順乎天而應乎人革之時大 字革而信之文明以說大亨以正革而當其悔乃亡天 息滅也非生息也水火之性以勝相滅然有相違者 說大亨以正則知其革必不當其悔不能亡矣文明 明以説大亨以正然後革而當其悔乃亡非文明以 相得則必革而息矣已日乃字言革而後信之也文 不息也不幸如二女同居而不能相違其志復不 **邓氏博家易說** 幸

鈁 湯武革命所以不能自己也惟順天故元亨利貞惟 華之道正故能明華之公以是為當而悔亡則華之 道以順天應人而已曾无私欲馬此華之道也是以 則為湯武不能此是篡也且禁紂之君上則得罪于 應人故已日乃字上乃順天下能應人故悔亡能此 道其難矣哉然天地尚有革而不能廢況人道乎此 故見于未革之先說故孚于已革之後大亨故能終 天下則結怨于民湯武知當革之時盡所以革之之 定 匹库全書 |

象曰澤中有火革君子以治歷明時 初九聲用黃牛之革象曰翠用黃牛不可以有為也 革有革者有革之者有從革者有輔君之革者諸文 所以明天道而欽授之此革之所以為大也 也惟革本天道故卦具四德而象言治歷明時聖人 華天道也非人力也天道謂之華人力為之則曰篡 之義不同初九在下非能革人亦非人所革者從革). J. .. | | | | | | | | | 郭氏傅家易說

革通天道非止人事改更而已故曰大矣哉

六二巴日乃革之征吉无咎象曰巴日革之行有嘉也 中而順從是以不可有為也不可戒辭也初九雖非 而已故固用黄牛之革黄中色也牛順物也戒其用 革也謂終君之事而革天下也是以進則吉而无咎 可為之文聖人之辭又所以戒不知革道者也 君故君已革而後乃革之也已日乃革之非從君之 六二得君得位柔順中正可以革矣而臣道不當先 巴日華之則盡臣道故其行有嘉君未華而革之則

金页四层全意

卷五

矣 九三征凶貞厲革言三就有孚象曰革言三就又何之 華之為卦上則九五下則六二為華之主三不中而 性可自任之時也首言征山貞属蓋九三之象如此 失君臣之道非嘉也 下言革言三就有孚則明革之卦解言三就之道也 不知革不可妄為有天道存馬非九三用剛炎上之 用剛非革之主也故以革道進則凶以革道空則属 . 郭氏傳家易說 二十九

九四悔亡有孚改命吉象曰改命之吉信志也 矣 宜其征則凶貞則厲是誠不若初九聲用黃牛之革 非其位又非其人而拾革言三就之道則又何之乎 皆得之是為三就也故進則无凶貞則无厲九三既 三就有學者謂元亨利貞悔亡及己日乃字也三者 九四近君而用柔輔君之革者也輔君之革非自用 也故其悔可亡而上下信之是以有字改命吉也不

新定匹庫全書

卷五

九五大人虎變未占有孚象曰大人虎變其文炳也 易見大人之道文明而可親使天下晓然知大公至 盛矣哉九五之革 也大人之道也且虎之文炳然而 革之大特可奉行改命而已猶之出納之臣也書曰 正革命之當无陰謀可疑之事以順天應人則天下 四所以有有字信志之解信志者志可信于人者也 夙夜出納朕命惟允然則出納王命以信為主此九 **邓天傅家易說** 四十

日革 而日改命者四不若二之中正不能行已日乃

其文蔚也小人革面順以從君也 上六君子豹變小人革面征凶居貞吉象曰君子豹變 金罗匹尼在三 言從君之德也詩所謂濟濟多士秉文之德羣黎百 炳者文之著明也蔚者文之茂密也豹與虎相類蓋 君子弸中彪外至誠以從君故其文蔚然以成豹孽 不必占決而信之也昔湯征自葛而天下信之其大 上六革道既成君子小人皆從九五大人而革者也 人虎愛未占有字之道欸

鼎元吉亨 獨二卦以罷者以明道罷皆一也由道可見罷由罷 易以福物名卦者并鼎二卦而已聖人名卦必以道 離異上下 書曰夏迪簡在王庭豈豹變之君子乎 无革矣猶欲以革進則凶惟能居守其貞是以吉也 下天寺にあえ 9 + -

不失順從之道此所以為革道之成也革道既成則

姓編為爾德是也小人雖无德自将亦能革面從君

剛是以元亨 彖曰鼎 象也以木異火亨 飪也聖人亨以享上帝而大 亨以養聖賢異而耳目聰明柔進而上行得中而應平 才可以致元亨未便有元吉也故象解无吉字 用以享上帝養聖賢鼎之道也伊川謂古為美字卦 可推道也井以不改為徳以動出為功井之道也服 定匹庫全書 | 井鼎皆物也象于鼎言鼎象而于井不言象者蓋井 之象水在下今取于巽乎水而上水之義非象也黑

大記可過 治 机 腹之奉而已哉享上帝養聖賢而已享上帝交天也 應乎剛皆致元亨之道也 應乎剛五之德也自聖人亨以享上帝以至得中而 故可以垂旒充耳而聴天下也柔進而上行得中而 以人能享上帝養聖賢則其耳目聰明之用廣大美 目聰明者人居之視聽以天而其明四目達四聰也 養聖賢交人也交通天人則亨飪之用大矣異而耳 取以木巽火亨飪之象故曰鼎象也聖人之亨豈口 郭氏傳家易說 学二

象日木上有火鼎君子以正位凝 六鼎 趾下道也凡物之顛趾皆悖也惟鼎之用初必顛趾 之用上足以享上帝下足以養里賢雖人君無旅充 果能革物而已君子法之何取于正位凝命哉完服 也利出否以從貴也 无為之治者如此 而聰明无不及馬故君子正其位以疑命以成垂 頭趾利出否得妄以其子无咎象曰鼎顏趾未

卷五

之也我仇有疾終无尤也 C A.1 7 Let 1." 4.15 九二鼎有實我仇有疾不我能即吉象曰鼎有實慎所 者不來實則盈滿之時故害我者必至必使我仇 凡陽為實而陰為虚九二剛中故為有實明鼎之方 之道也是以无咎以從貴者否為駁而潔新為貴也 利于出敗惡以致潔取新故在鼎獨為未悖也妾 人也使妄有子悖也子足以奉祭祀承先祖亦未悖 非虚鼎也仇為我之害者也虚則方有容故害我 郭氏傳家易說 門士

則貪為仇凡能害我者无彼无此皆仇也是以古之 我能即然後吉此聖人持滿之戒也古之人爵高禄 之仇不我能即者用中故也象言慎所之者方是時 尤當慎其所之也之怨耦之驕之貪皆所之也有所 而仇人則人為仇既湍而驕則驕為仇既湍而貪 子慎之歌蹈之戒以虚則歌中别正滿則覆九二 不免凶禍者多矣皆仇能即之故也仇非一也既 有所致鼎既有實何致之有是求益也盈而求

耳革失其義也 九三鼎耳革其行塞维膏不食方雨虧悔終古象曰鼎 待是所以服道革而其行塞也凡物之行以足獨鼎 鼎以虚中故能受耳以虚中所以納金九三居下體 之上有黑耳之東以陽居陽心實甚矣不能虚中以 病之而不我能即故終吉而无尤矣 益損之道也故害且至馬是以君子戒之也我仇有 疾終无尤者仇雖有害我之理然我能用中則仇自 1平年記 あえ

九四鼎折足覆公飲其形渥凶象曰覆公飲信如何也 待鈕故以耳耳實則其行塞其行塞則不為用雖有 四以近君而任天下之重曾不自量其力至于喪身 克之戒乎失其義者失鼎耳虚中之義也 也必待陰陽之和然後虧其悔而終古矣豈萬明柔 也上有文明之君至美之禄其行既塞不可得而食 雜膏爲得而食之雉文明之物也離之象也膏禄食 與四同功之文也二方有持滿之戒慎其所之故

定匹庫全書 |

六五鼎黃耳金鼓利貞象曰鼎黃耳中以為實也 實者六五陰虚以黃中之德為實也亦猶坤之六五 黑道備矣固守是道終无革 耳折足之憂也中以為 也中虚故能納超金堅剛也故足與有行能如是馬 六五文明之主柔順居中故有黃耳金鼓之象黃中 敗事沾污狼籍其凶甚矣信如何者言力小任重之 美在其中之道也 信當如何言必至于敗覆也 軍之事 見あえ 四十五

一欽 震震上下 上九鼎玉每大吉无不利象曰玉每在上剛柔節也 定四庫全書 剛柔之節而盡王鉉之美以成鼎道之吉斯為至矣 中无節也九四用剛自任之過无節也故獨上九得 相濟猶所謂欲剛必以柔守之之意也九三剛過于 在上之義同剛柔節者以剛節柔以柔節剛相與以 非一于剛者也是以大吉无不利與井之上六元吉 上九鼎道大成剛柔適宜故得王鼓之象王剛而温 **匙**五

震亨震來號號笑言啞啞震驚百里不喪七鬯 懼則長慮却顧終无危亡之失是以後獲笑言和樂 亨故天地萬物待震而後亨也自震來號號皆主人 莫測是以有震動之象曰亨者天下之理不動則不 莫先于震故為動之始然乾坤震動之始其來方典 之吉也震驚百里不喪七鬯者雖有大震恐不失主 事而言號號恐懼之貌啞啞和樂之意因震動而恐 震一索而得男故謂之長男自乾坤而來變之始者

祁天專家易弟

彖曰震亨震來號號恐致福也笑言啞啞後有則也震 驚百里驚遠而懼邇也出可以守宗廟社稷以為祭主 祭之道蓋知恐懼修省而已主祭長子之事也然則 則震遠懼邇言震之大遠邇皆及之也震之為卦內 震來號號因恐懼而致福笑言啞啞和樂而未當失 文武始于憂勤終于逸樂其亦震來號號笑言啞啞 之義乎

金定匹库全書

泉曰济雷震君子以恐懼修省 府重也上下皆震威益盛也當是時也知恐懼畏天 主祭之事也 **絕所以載鼎實而致之祖 鬯香酒所以灌地降神皆 鬯此其所以可守宗廟社稷為祭主也七者撓鼎之** 修省之戒則危亡必矣 修德首身故可以无過而不至于危亡尚不知恐懼 下气事实易免 カナと

外重震故有遠邇大震之象遠邇大震而能不喪七

初九震來號就後笑言啞啞古象曰震來號號恐致福 六二震來屬億喪具齊于九陵勿逐七日得象曰震來 也笑言啞啞後有則也 厲乗剛也 然也初九震動之初恐懼修省不可緩也過此則危 恐懼修省于前則必獲和樂笑言之吉于後理之公 震之動自下而上在震之初猶欲恐懼修省況二之 矣故于初言之

一一一一一年全書 一个

六三震蘇蘇震行无青泉曰震蘇蘇位不當也 九四震遂泥東曰震遂泥未光也 是以行而无過青也不敢自安者知位之不當亦所 震自初動六三遠于動者而能蘇蘇然畏懼不自安 其來也不知修省而避非其道也故不待逐而七日 可得言不可避也七日一卦之復復則自來矣 乗剛乎故震來則危厲而喪失隨之也瞬于九陵避 知懼者也

甲气事六五克

1.3

一致定四庫全書 六五震往來属億无喪有事象曰震往來厲危行也其 事在中大无喪也 得无喪有事亦幸矣有事者其事也謂六五之君事 之道平 将故不能有行而遂泥也滞溺不自振又安有光亨 也象言危行者往來皆属行則危也六五往而上則 九四處多懼之地陷于重陰之間无中正之徳以自 二以來属而喪貝則五之往來皆属宜其大有喪也

媾有言象曰震索索中未得也雖凶无咎畏鄰戒也 上六震索索視雙雙征凶震不于其躬于其鄰无各婚 行可以大无喪矣以无喪為大則知喪之亦大也億 六五位雖不正而用中馬其事既不失中道雖涉危 其義頗不能通為解近之 者恐懼職數之解說者或為解或為萬億或為億度 即柔來而下則乘剛皆喪有事之道是以知其危也 居震之極无中以自守內積驚懼失所處之道是以 郭氏傳家易說 罕九

恐懼之貌亦于文義各有辨也 蘇索索雙雙與二五之言憶諸卦皆无其義雖多為 未得者以失中道故索索然也震卦言號號啞啞蘇 極得无大咎足矣小有言蓋不可得而免也象言中 未至于極故也婚媾所親也有言失之小也處震之 及其鄰能畏懼而戒之如此則无咎矣蓋先時而懼 不過驚懼而已以征則凶也震驚之來未及其身方 志氣索索然而其瞻視亦矍矍然不安也能止而守一

金

定匹庫全書

艮艮上下 艮其背不獲其身行其庭不見其人无咎 止之者也止于无欲之地所謂艮其背也人之有目 而止之大畜是也故有說賴頹豕之象伊川所謂力 最為近道而知之行之者鮮且天下之欲无窮而人 每患于不能止者蓋不知无欲之地而止之也有欲 止之也艮止者安止之義止其所也確曰艮止之義 伊川曰艮與畜止之義何異曰畜止者制畜之義力 即允專家易免 5

見其人也不獲其身忘我也不見其人忘人也忘我 方四厚全書 止施之于行施之于人皆一也內外無止則人欲自 臭者也至于背則无見无知故无欲常與物背助而 欲于色者也耳欲于聲者也口欲于味者也鼻欲于 而天理固存是以无咎孟子言養心其善於寡欲 在止之止也忘人者在行之止也以止而忘我之 相向使欲无自而生故得安于止之道一身且不 况外物乎內欲不動則外境不入是以行其庭不

釒

其身行其庭不見其人无咎也 止繫乎時而不繁乎止也止所以應行止者也時所 明艮其止止其所也上下敵應不相與也是以不獲 為行止者也是則良止之止在我而行止之止則 有止之止有行之止其行止之間又有時馬蓋行 彼矣行止為時則艮止為道矣故录言時止則止

彖曰艮止也時止則止時行則行動静不失其時其道

與艮其背之義正同

飲定四庫全書 貴乎寧其生而曳尾于塗中乎二大夫往矣吾将曳 之則行舍之則藏孟子曰窮則獨善其身達則無善 止之行復有良之止是所謂行其道者也孔子曰用 天下是皆以止道應時也在子曰寧其死為留骨而 則止其止時方行則行其止行止在時艮止在此在 又曰艮其止所以無明有二義也且艮之道時方止 之不可必則止道盡矣是以艮止之中復有行而行 者不可必在此者可必不以在此之可必而易時 老五十写易言

彼時有之而我絕之欲不在時與物而在我也易在 生之樂是以失時止則止時行則行之義老氏有日 2) 之欲而為我之欲其惑甚矣故雖艮止之道聖人 聖棄智絕仁棄義莊子又曰焚符破璽剖斗折衡 毋必者止其欲也莊子不知必之可止而欲必其 能廢時老莊氏未之思也動静統言之也行止亦 且天下之欲常生于必而无欲生于不必孔子所 è ٠, d..to 郭氏傅家易説 五十二

尾于途中是為知止不知行有我廢時者也欲孰甚

耳上下敵應不相與者艮之六交皆敵也敵所以成 始于止施之于行止又施之于行止之時此其所以 其身不見其人无咎也无咎者于道无失其為義士 為大成也止其所者又言止无他義知其所而止之 明 静也動靜俱不失時其道至矣故光明也道大成 丘匠 故中庸曰誠則明其道光明則艮道大成矣艮 知 敵而相與則為交戰之道失艮止之義遠矣 不 相 與則與敵背聽情欲自速是以能不獲 老五

泉曰無山艮君子以思不出其位 言之則思不出其位者亦止其所也位非獨爵禄而 見其人之象也止无他義止其所而已以君子之位 事之時則无欲矣待有其欲而止則非艮也中庸曰 已所守之分皆位也必曰思者未有事之時也未有 卦外也外為人無內外而統之所以有不獲其身不 艮之為卦上下皆艮故曰無山下卦内也內為身上 郭氏傅家易説 푸트

初六艮其趾无咎利永貞象曰艮其趾未失正也 守是不知利永者也又曰得一善則孝孝服膺而弗 守之也中庸曰人皆曰予知擇乎中庸而不能期月 之後不能无得失也利永貞者利在久于其道而固 止于既動之後則難止于其先故得无咎止于既動 初象也凡動之先莫先于趾止于動之先則易而

釺

定四庫全書 |

喜怒哀樂之未發謂之中然則艮之為止其在兹時

皆在所止矣是以不言吉也然則良之无咎豈不足 言元吉良之初六有過于二者而不言吉盖吉凶者 未有失正之事也小畜于復自道言吉復于不遠復 可得而言也良其趾則止於未失得之前吉凶失得 謂之復凡言復皆先失後得復則吉不復則山吉山 失得之象二卦之復雖與止相近然有失而能止則 于小畜與復之吉哉盖不使累于得失而已故象言 失之是能利貞者也象言未失正者止於未動之先

飲色日草在上

郭氏停宋易說

六二尺其腓不拯其隨其心不快象曰不拯其隨未退 有為則其善于吉論守道則无咎為大是以易解或 多以吉為過于无咎是不知吉與无咎自為二道論 未失正則止于无失止于无失則未當有得矣然世 言言或言无咎或吉而无咎或凶而无咎不可同也 為六二之象也六二下卦之主也初六九三之所隨 腓腸肠也下體之所主也上而股下而足皆隨之故

尺三丁戶 A da 1 事氏侍家易說 忘人而六二不拯其隨其心不快何哉盖六二有為 足是以不能舉其隨而其心不快也方止之時忘我 也六二雖居中得正得止之道然以柔用柔才有不 隨者是以其心不快也此謂其隨失隨之義故君子 欲天下各安其所止盖伊尹使是君為堯舜之君使 是民為堯舜之民孟子欲正人心之時而不能拯其 之臣位也君子正心誠意之初故良其背不獲其身 行其庭不見其人及其道之大成施之于天下國家 季五

九三良其限列其黄属熏心象曰艮其限危熏心也 其心不快象言未退聽謂隨者也 憂心如熏同意凡此者皆以九三之止失于早辨故 象猶大畜說轉發不之道也限所以制內外也內欲 不能止之于初至于三則難矣九三用剛有力止之 其左右也屬重心者常以危亡之憂熏樂其心使不 不生外境不入所謂艮其限也亦猶列身之夤而制 忘者所謂其七其七繁于苞桑者也曰熏者與詩言

六四良其身无谷象口民其身止諸躬也 諸器獲陷阱之中而其之知碎也君子失性之危中 四能良其身先後之序理亦宜然良其身則一身之 以初論四則初為早辨者也然有初之艮其趾然後 庸謂之陷阱則艮之言属一道也 也雖然止而言厲何也中庸日人皆曰于知驅而納 之道行无不善是以六爻終无凶危特有難易之別 野天傳家易说

必極于用力以限止之方之初六則甚難矣然艮

金万四月全書 六五艮其輔言有序悔亡象曰艮其輔以中正也 悔可亡惟中正之君故能慎而止之如此庸主忽其 其言善則予里之外應之有序者固如此也是以其 輔頰車也言之所出也有序中節也君子居其室出 六五君位一卦之主盖主天下之止者也天下命令 内合于自然无不止也是以无咎止諸躬者謂能成 之所由出可不慎乎故良其輔言有序而後悔亡也 已而已未能成物也

上九敦艮吉象日敦艮之吉以厚終也 居止之極止之過中者也過中則疑于有失矣然慎 盆謂暴无傷盖有問矣豈孔子所謂喪邦之言哉 過于止是厚于然也人安有失哉故言敦艮吉 厥終惟其始者古人之戒有始有卒者聖人之事能 即大事只易说

有序之道而商紂謂已有天命謂敬不足行謂祭无

言故天下亦共違之也觀舜命九官則知民其輔言

漸女歸吉利貞 舉人道而言之則進之漸者无若女之歸也女歸不 漸之進不速而不已也天地之道進皆有漸况人乎 問名納吉納後請期之節其禮為尤備是以知其漸 之道正也固守之无不利矣然聖人制昏禮有納采 以漸則奔也漸則為歸速則為奔故女歸以漸為吉 也鴻之進也有于干于磐于木于陸之漸豈不猶女 也凡天下之進如女歸之漸无不吉也利貞者女歸

一飲定四庫全書 一

以正邦也其位剛得中也止而異動不窮也 **参曰漸之進也女歸吉也進得位往有功也進以正可** 為之戒者損之九二是也處陰居說故戒以宜貞也 川曰諸卦多利貞而所施或不同有涉不正之疑而 歸之禮乎故卦辭言女歸而文明鴻漸其義一也伊 有其事必貞乃得其宜者大高是也言所畜利于貞 吉而利者以如此貞也 也有言所以利者以其有貞漸是也言女歸之所以 郭氏侍宋易说 五十八一

第言漸之進如女之歸則吉所以明卦辭也盖世俗 多失漸進之道獨女歸有漸存馬耳進得位者先明 漸又能以正則可以正邦所謂不能正其身如正人 得中者言五之德也止而異動不窮者言漸以止異 矣孔子于漸進之時又并進以正而言之也其位剛 何也凡進以漸者必不失正進不以漸而失正者多 往有功盖其進銳者其退必速是以无功也進既以 女歸之新而後言人之進也凡人之進以斯得位則

一 一 一 一 一 一 一 一

象日山上有木漸君子以居賢徳善俗 C 2.) Ind J. A.S. 安進異而入之則有漸矣居賢徳先有所止也善俗! 亦不窮也進之道何如止而異是也先有所止不為 之萬而木生馬故其高无窮猶漸之進其進有道故 合抱之木生於毫末則木之生未當不以漸也有山 而動是以其進不窮也 賢德善俗又漸之義也居賢德而後善俗盖先自治 異而入之也德非一日可成也俗非一日可善也居 郭氏傅宋易說 季九

初六鴻漸于干小子属有言无咎象曰小子之属義无 不能盡也如艮則取諸身漸則取諸鴻非艮之象不 易以象言之則一卦一交之內天地萬物无不具馬 而後治人象所謂進以正可以正邦之道也易以異 在物而漸之象不在人也故卦言女歸象言進位文 聖人或取諸身或取諸物獨能舉其一以明之耳理 主風教故此言善俗

乾為馬而坤稱馬坤為牛而離稱牛皆非說卦之象! 言鴻漸互相發明无類於不同也世之論象者率拘 十四卦之象古人未當明言之且震為龍而乾稱龍 也干水涯也言進之漸未遠于水也君子能安于漸 祭者如此貴夫觸類,而長之也鴻漸于干者鴻水鳥 具聖人亦不能盡言姑舉八卦之略使後世知所謂 于說卦已言八卦之象其所不言者不能明也况六 八卦无鴻而漸稱鴻故知易之取象天地萬物无不 郭氏停家易說

六二鴻漸于磐飲食析行吉象曰飲食行行不素飽也 金牙口及之三 厲之言是以吉也不素館者不素餐之謂也伊川曰 漸進之道見于得君之禄安樂飲食雖小子亦无危 臣相遇安而和樂也與詩所謂嘉實式熊以行同意 磐石之可安者自干而磐已獲安矣飲食行行盖君 是不知在漸之初未能遠追者其于君子之義无咎 也小子細人也志務速進故以漸為厲危之而有言 也何危之有

我不意子學古之道而以餔吸也飲食之事疑于餔 其為歡樂願莫先馬孔氏因之曰素故也故无禄養 空飽飲食而已乎而王輔嗣謂本无禄養進而得之 不素館者君子漸進于上將行其道以及天下宣徒 啜故孔子言不素飽之義以明之而二子以得禄養 忘于行道二子所養如此而已古孟子謂樂正子曰 今日得之故願莫先也觀此盆見伊川先生造次不 為歡樂豈不異哉 郭氏侍家易說 土

金方四月五三 保也 征不復離奉配也婦孕不育失其道也利用禁宠順相 九三鴻漸于陸大征不復婦孕不育凶利禦鬼象曰夫 用以學家則利也離產配者拾初二同體而進也失 初二之進也有漸而三則自任以剛其進欲速失新 甚遠故有夫征不復之象進而比四不正之婦也故 之道是以致凶爾雅高平曰陸自水而至于陸進之 日婦孕不育凶然九三之才有進无退患在失中獨

六四鴻漸于木或得其桷无谷象曰或得其桷順以巽 其道者比四之不正失漸之道也非所謂進以正可 柔順九三之相保也與蒙之上九利禦寇同義盖他 處上泉皆順之也此言順相保者初二順而相保而 以正邦者也順相保者禦寇所以保其類也初二陰 无所用獨可禦寇而已蒙之象言上下順者以已獨 ドていたりん +

六四陰柔才有不足乘九三之剛從而比之非所安 其失得也漸之為卦本明慎始之義 也故有于木之象楠平衡之柯或得則可安矣安則 者多矣聖人雖取其善終又欲人之善始是以無明 象有失有得獨言其得則人将莫知其失而不慎始 寧故也異權道也繫解曰異以行權然六四順以異 終為无咎之爻而先言于木不安之象者蓋六四之 无谷象言順以異者當不安之際惟異與順可得安

一金定匹库全書

勝吉得所願也 陵高阜也君之象也二五正應君臣同中正之德宜 能間五而能間二九三禦寇之才足以間五然君臣 其吉矣然猶三歲不孕者以三四為之間故也四不 嚴之外者亦為之以漸故也三言夫征不復五言婦 同德有間終合故終莫之勝也雖九五之尊猶有三 三歲不孕以卦辭言女歸吉故以夫婦為言 旧大手にわえ

九五鴻漸于陵婦三歲不孕終莫之勝吉象曰終莫之

吉不可亂也 上九鴻漸于陸其羽可用為儀古象曰其羽可用為係 先人有言陸當作遠達者九達之衛雍日漸進之吉 道大都人之瞻仰者衆莫不以為儀表也漸進之吉 其羽可用為儀者九達之地非止十目所視而已通 育四則木桶五則陵孕勝如此則上九為遠儀明矣 其解皆聲音相協故初則干言二則磐行三則陸復 至是无所不通矣安與樂皆不足以盡之漸之六交

歸妹征凶无攸利 亂者至美外見獨異于衆人故人莫得而亂之也 孰大于是羽者外見之美故人可則而象之也不可 道樂于自進則凶也何所利哉卦辭言征凶者獨歸 歸者女子之嫁也妹言少女也少女從長男非正之 為娣媵故其言日雖與長男交嫁而係娣是以說也 震光上下 事然而非樂于自進亦无凶矣王輔嗣以歸妹 郭氏侍宋易說 六十四

人之終始也說以動所歸妹也征凶位不當也无攸利 第曰歸妹天地之大義也天地不交而萬物不與歸妹 能具此義哉諸之言娣義自不同輔嗣以初九有歸 孔氏因之口以妹從姊而嫁謂之歸外誤矣姊媵謂 如其娣之徒良孔子象日帝乙歸妹不如其娣之被 妹以娣之解故以妹為婦媵耳六五日其君之被不 之勝非歸也孔子言天地之大義謂夫婦也姊勝豈 良也以見妹稱君而娣為媵矣

新定匹庫全書

物化生故象以歸妹為天地之大義盖主夫婦生 之義一也繁辭曰天地網温萬物化醇男女構精 有乾坤則有六子有天地則有男女夫婦天地夫 **闢雎之義樂得淑女盖以德為主而此長男以所** 之道而言也歸妹人之終始者夫婦生化之道終則 女嫁皆曰歸至此論歸妹之卦所以征凶无攸利 猶天地之无窮也說以動所歸妹者孔子先言

אנו מו שחוב אנו בלווח

郭氏侍家易說

象口澤上有雷歸妹君子以永終知散 者妹遂說以動則不以德矣彼既不以德而說此又 衛人作氓詩盖言男女无别遂相奔誘華落色章 男也 奔不遠矣孔子曰說以動所歸妹也觀此則說動者 以有不以德進者矣以少女而歸長男非以柔乗剛 而何宜其无攸利也或謂少女說而動如此則去淫 不以德而進是以征山位不當者卦爻皆不當位是

ケロ

能履吉相承也 初九歸妹以娣跛能履在吉象曰歸妹以娣以恒也跛 終之敞也禮日壹與之齊終身不改故夫死不嫁所 不遠矣是以君子于此欲思永終偕老之道而戒不 誘然以長說少志在容色失夫婦之大義其去奔誘 初在下贱者之位也上无正應无所歸馬娣之象也 郭氏侍尔易說 六十六

相棄背此所謂男女不終之般也歸妹之義雖非奔

九二眇能視利幽人之貞象曰利幽人之貞未變常也 金 京四库全言 助之象也眇而能視以見九二之獨賢也然夫之不 知矣女從男者也夫之不賢女不能制也一賢一否 九二剛中賢女也長男說少女而動則夫之非賢可 安為也故可外吉相承者言娣以進而承君為吉也 能履者娣雖非正亦足以有行補跛者之能獨也故 自无所歸因人之歸而為婦媵故言歸妹以娣也跛 進而佐其君則吉恒者可久之道也婦媵古之道非

六三歸妹以須及歸以娣象曰歸妹以須未當也 有待也雖有待而終難其歸固不若反歸妹之義而 六三之女不正也不正之女人之所棄故難其歸而 之也幽人亦女子之象 從娣媵之事也未當者居位未當是以不能有所歸 日利幽人之貞九二盖能獲其利者非才不足而<u>戒</u> 人奪其志可謂女子之負者矣斯其所以為利也故 作人年記動兒 六さ

賢豈可愛常而從之哉守其幽獨之操不為不賢之

一一 鱼灾匹库全書 九四歸妹愆期遲歸有時象曰愆期之志有待而行也 其所以不同也以其不當无應亦不免短期有待而 失正德故為娣媵義殊不同而謂一卦皆為娣媵之 巴其歸終有時故无反歸之事象言有待而行者行 桑用剛又為過中而九四以剛用柔有未中之義是 象則非也娣媵非天地大義安足以盡歸妹之象 三之與四其不當相似而解有不同何哉盖六三以 而待也下卦惟九二得中有歸妹之象初居下位三


六五帝乙歸妹其君之袂不如其娣之袂良月幾望古 象日帝乙歸妹不如其娣之袂良也其位在中以貴行 六五同意此王姬下嫁之象帝而稱己亦言其該柔 六五以柔居等得識下之道故為帝乙歸妹與泰之 桑其不同如此所以繁靜言三多山也 所待非人不求之也以是知過中與未中用剛與用 如詩言女子有行是也又以見所以愆期者在我有 郭氏侍永易花

一金户四月五三 于其夫也月幾望下于其娣也夫如是吉孰大馬故 下而无嫉妒之心盖楊木速下之義也帝乙歸妹下 雖之德則詩人所美者繁乎肅雖之德不獨取于車 樛木之詩每章必以福履終之是亦月幾望而繼以 服也月幾望者不自滿假之意也其娣袂良猶能讓 也其君之袂不如其娣之袂良者君謂妹也妹以德 王姬車服不緊其夫下王后一等猶執婦道以成肅 自飾不以服飾為事故不如其娣之袂良也詩序言

上六女承筐无實士到羊无血无攸利象曰上六无實 承虚筐也 意尚德而已 是為以貴行也惟在中故能不失貴行之義聖人之 得中而能識下于人者六五之位在中也以等歸里 月為女子之象矣其位在中以貴行者天下未有不 上六居一卦之極失讓下之義无以奉祭祀則非夫 非大寺をあ見

吉之義也月陰類也小畜上九曰婦貞厲月幾望則

新定匹庫全書 郭氏傳家易說卷五 夫婦之道有不能永然者以此聖人貴其知版故夫姓而无血失夫道也夫不夫婦不婦何所利哉是以 交皆不能永終之散也 夫婦婦而家道正矣言无實无血无攸利于上六之 載實也承筐无實失婦道也禮云血祭威氣也親割 婦之道矣故稱女士馬未嫁日女未娶日士筐所以



腾銀監生臣軍軍配校對官編修臣朱 依